

星野志

眾星之在太虛璧合珠聯其體生於地其精浮於天此分野之說所由一經而一緯也黃帝以來天文家言星者紛紛藉藉矣左氏作春秋傳始以分野屬州適當諸大國之封域小國則闕非不欲詳也不能詳也周封八百見於春秋猶有百餘國將令櫛比牙錯翾縷乎某星某野吾恐周髀窮於算而章亥且躡於步也楊州在諸州最濶且遠其隸國吳越楚其分野則斗也豫章介吳楚之交表郡於秦漢之際星經南斗牽牛吳越之分漢書地理志吳地斗分野豫章屬吳分後漢天文志玉衡第六星主楊州乙巳爲豫章迨分省江西然後建昌列郡明一統志建昌天文斗

分野江西志論斗六星二十五度爲吳分野各郡入斗建昌次叶五度是則以小從大以分從合由楊州而豫章由豫章而建昌章明矣若郡分而屬縣區區百里之地直星野中一黑子耳此亦春秋分野不贅諸小國之例也况瀘谿本南城分邑南城爲郡首邑未聞與郡別區域殊度限豈有片壤之版圖偶判而星野必割裂破碎以應之乎此宜必無之理也或曰古者一天使之賁一賢人之聚而客星德星臨照其地况其爲建邑之重乎噫嘻是則然矣蓋象物象官象事無微不相感召者星之精魄也斗極爲天樞十二辰爲次舍象緯燦列歸然靈光有名之星綺交棋布各安其常度者星之形體也孟子曰天之高也星辰

之遠也苟求其故千歲之日至可坐而致揚州豫章之分
野故也卽建昌之分野亦故也至瀘谿談分野則未嘗有
故縱逞一時之私說轆轤牽綴以揣合於分寸徒鑿焉已
矣余誠闇於天文推步之學未敢臆斷而目論也

瀘谿縣志卷一

建置

瀘谿之設縣蓋自明萬厯六年始宋元豐四年劇賊廖恩據邵武爲亂知軍事鄭揆請設撫建都巡檢使於南城之東北境元因之明洪武三年改瀘谿都巡檢使爲瀘谿巡檢司設巡檢一人後因隔南城縣一百五十里山川險阻治化難暨萬厯六年知府王之屏縣令范涑議改巡司設縣治白其狀於撫按潘臬諸司議合會疏以聞上下戶部覆議奏便遂得請割南城之五十六都至七十二都析爲瀘谿縣初官府立城池轄四隅十六都遷巡檢司於南城之泮牛市 國朝因之

瀘谿縣志

卷一 建置

知府王之屏申文爲鑒往事竭愚衷創建縣治以靖地方事照得守令之官最爲親民故府以統縣縣以統都都統圖里輕重相維大小相制譬之人身以身使臂以臂使指必血脈流通而後肢體無患一有壅滯小則疥癬疔癢大則痿痺不仁矣故縣治之與都里必其勢相聯屬而後控馭便利百姓環向而取則焉一有閒隔則抗違頑鈍之風起况建昌之地辨土爲山國民俗多尚氣而山居爲尤甚附郭南城縣地方廣袤四百里視各縣疆界獨廣爲都共七十二爲里共二百三十五其自一都至五十五都俱與縣相連賸稅訟獄頗爲易辦惟五十六都至七十二都列縣之東北中隔金谿地二十餘里爲襟喉必由之道其內

六十都地名瀘谿去府城一百六十餘里道路險阻非二日不能達雖鞭之長不及馬腹是卽一身而血脈不通者也蓋該都於府寫遠一應官務俱爲不便茲欲爲善後之圖豈晏然而不爲之所乎查得撫州臨川縣之東鄉先年民俗刁橫訟獄繁興錢糧侵拖號令不行故改建縣治然世遠不必論矣再查廣信府興安縣蓋創於嘉靖近年也國初時浙之處州以審民避役攜家定居於此後生齒漸繁遂至盤據山谷而地方官司撫馭失宜乃羣起爲非當事者恐釀日後之變遂議申前院勘明題准建爲縣治目今盜息民安帖然禮讓之俗矣考該縣田地磽瘠人民稀少且去府治不五十里去弋陽不七十里無山谿之隔也

無異境之接壤也該府縣可兼而治矣而軫地方之慮者乃預爲桑土之謀今瀘谿視興安遠甚而地里寥濶不啻倍之况內隣撫廣外接光澤中阻金谿積成頑俗轉相倣效而以南城縣遙制之恐難以安枕而無憂也爲今之計似宜比照撫州之東鄉廣信之興安畧定界址東抵光澤南至大覺巖西至珀玕北至金山大嶺割南城五十六都至七十二都共一十七都田錢糧創置一縣况該都之地外可以據險而設關內可以容民而畜眾近則聯絡各都可以因勢而乘便地不改闢民不改聚創建甚爲得宜合無俟詳允示覆加踏勘仍容本職移關各府創建之例循已試之蹟鳩工庀材經營董治前所陳作人材致富庶

固封圉請責本職以效不效則欺罔之罪不敢辭矣
踏勘縣治申文職於某年某月於瀘谿地方周回歷覽細
加相度除橫板華家圳田西竹源鄧坊外自珀玕以東一
帶隔大嶺者六經村墟者七岡巒起伏川原迴繞過石口
十里源爲廟嶺兩山峭壁中夾田澗總三府之路會入瀘
谿俱可設立關柵以便防守而該都東阻光澤北界貴谿
南院新城考形勝爲四塞之地且其羣山擁護地勢開展
瀘谿長古二水俱發源於八閩瀘谿在其東由百花山經
入北流而帶於西南長古在其南由玉佩以入經流曲折
而西合於瀘谿并轉西北折入養老峯麓縈紆而出十里
東入初谿兩岸稍坦夷谿流始現更轉而入高阜其來脈

瀘谿縣志

卷一

建置

三

巽龍右抱坤龍左環土色潤澤草木蕃廡人多清慧觀莖
茶於周原驗川澤於韓土該都風會似亦稱聚查道里至
南城一百五十里爲舖遞官道至金谿貴谿界各約七十
里東入福建界二十里西十五里抵高阜達河洋嵩谿於
各都道里頗爲適均又該職歷行各都其父老里黨生童
人等聚迎者不約而至問之輒同詞稱便自遞甘結收附
在卷至經略縣治除廣仁寺官基城垣跨山外或各廢田
畝亦無退言已經張示曉諭俟詳示之日議處給價且自
謂建立城郭則亡田刈爲市廛亦可獲利總是數端得失
利害之故居然可觀至於編派差役查得新議官吏師廩
生俸各役工食春秋祭祀鄉飲等項共銀六百一十五兩

九錢相應加編查本府所屬南城南豐新城廣昌四縣賤役四差事宜南城每石派銀三錢七分五釐四毫七絲二忽比南豐新城廣昌獨輕編派之際各縣民情常有不均之嘆今照除前項新議官吏師生俸廩銀一百八十六兩九錢於南城縣秋糧內每石加派銀八釐二毫二絲五忽九微外其柴馬師生齋膳夫門阜舖兵禁子三名各工食等銀共三百九十六兩四錢亦於該縣四差均徭項下丁糧每石加派銀九釐八毫三絲七忽一微及量編鄉飲銀八兩祭祀銀二十四兩六錢仍於里日項下丁糧內每石加派銀三毫九絲五微零除俸糧外較之各縣尚爲輕省俟下輪大造之日查得各都田糧分歸兩縣照依今議則

例編派徵給其公費銀兩瀘谿偏僻所費不多南城附府事務頗繁合應照數徵解府庫轉發南城縣協濟供應實無偏累况既經分縣則錢糧日清訟獄日減地方杜甌亂之萌斯民免阻隔之苦一勞永逸似爲長久之計於分釐之加增其利害得失不啻徑庭矣

巡撫都御史劉堯誨巡按御史趙燿會題疏略縣官之令難以遠及而下民之情難以上達故往往化理之難皆起於去縣遠也今按南城縣瀘谿地方去縣一百五十里道路遼阻山川迴遠其民目不覩官府耳不習法令且其中豬牙等山皆稱要害日有遊僧竊據其地樹旗集眾負險結廬一號召輒數百人相從若非先機撲滅必至燎原故

該府深憂遠慮而爲建縣之請誠非勢之得已者也臣等又以事貴謀始未可輕易遂批行司道委官覆勘今據各官反覆勘議取具里老人等甘結稱便前項地方委應比照興安縣事例創立縣治詢謀僉同該臣等看得以分疆界則就其都圖相連割南城縣一十七都丁糧分隸新縣仍屬建昌府管轄則民不改聚而縣治可成矣以計工費則原估銀八千餘兩該府歷歲頗稔倉穀所積甚多量將一半易價可得銀六千三百餘兩尚欠二千四百餘兩臣等於節年解剩紙贖銀兩內照數查給則不費民財而城宇可興矣以設官職則用知縣一員典史一員教諭訓導各一員除知縣典史教諭另請銓選其訓導臣等查府學

設有四員內裁省一員調補至於生徒吏役俱於該府撥給則員無冗費而官事可舉矣以資俸廩則歲該銀六百一十餘兩據稱該府四縣惟南城賸役獨輕人每有不均之嘆俟大造之年止於糧差內量加毫釐卽足前數視各縣猶爲輕省則賸無加重而經用有需矣及查瀘谿原設有巡檢司旣立縣治則巡檢似爲虛具據勘該縣泐牛地方水陸交衝山谿險阻盜賊不時公行商民屢經被劫卽將巡檢移置此地則犄角共成巡緝有賴亦計之得者也該府之所建議與司道各官之所覆查臣等參詳酌議竊以爲事關永逸當不惜乎一勞患涉可虞當預圖於未見况乎不勞而成功不費而事舉又似無不可者伏乞勅下

該部再加查議如果臣等所言不謬早爲題覆准於前項地方開設縣治欽定縣名容臣等行令該府委官募役先將城垣解宇刻期修築候功成有序方照原議奏請銓選官員鑄與印信印記責令前來任事諸凡事宜以次舉行庶山僻之墟化爲城郭抗悍之民知有法度未萌之變以消無窮之利可得矣緣係鑒往事竭愚衷創建縣治以靖地方事理合否未敢擅便等因題覆奉旨是縣治就名瀘谿

申報益府助工銀兩建昌府爲助工事萬曆七年四月二十五日准益府長史司牒本月二十四日承奉正高進等傳奉令旨瀘谿界於兩省且當三縣之衝去府旣遠控制

爲難今建縣治銷患未萌遐方置於几席文物煥於熙時不占有孚矣良由賢有司加意地方悉心民瘼大破拘攣之見獨爲經久之圖予世守茲土義當相助共成其美著永盈庫將貯存祿銀動支一百五十兩送長史司牒送建昌府收發瀘谿少資工費用副予藩與有司爲國爲民至意長史司知道因備奉移牒到府准此除牒解到府助工銀一百五十兩驗明隨令齎發南城縣驗收貯庫聽候建縣支用

按瀘谿縣分南城一十七都爲治其各隅都原屬南城何鄉何都舊志沿革未及且申文言分十七都舊志或云十八都蓋緣南城舊志有七十三都之文不知永樂以後分

一都於光澤萬厯六年止有七十二都也今就其可考者列之

西隅原南城六十都 據明天順九年廣仁寺鐘文

東隅當亦南城六十都

北隅原南城縣南城鄉五十九都 據廣仁寺天順九年鐘文鄧杰黃沙源鈔嘉靖

二十二年石香鑪字

南隅當亦南城五十九都

一都原南城六十一都

二都原南城六十二都

三都原南城六十三都 南城志載六十三都分縣後為瀘谿三都

四都原南城六十四都 據李修志注

瀘谿縣志

卷一 建置

五都原南城六十五都

六都原南城六十六都

七都原南城六十七都

八都原南城六十八都

九都原南城 十都

十都原南城 十都

十一都原南城五十五都 烏石監生徐信中鈔伊地新福殿香鑪字

十二都原南城 十都

十三都原南城五十五都

十四都原南城七十一都

十五都原南城五十六都 據樺洲妙覺庵鐘鑪字陳坊障籥唵石龕字

十六都原南城 十都

疆域

縣境在布政司東南四百六十里在府治東北一百六十里東界貴谿曰斗源計程二十里自界至貴谿縣一百四十里東南界光澤曰花山計程十里自界至光澤縣九十里南界光澤曰烏培計程二十里自界至光澤縣八十里東北界貴谿曰饒橋計程四十里自界至貴谿縣一百四十里北界貴谿金谿曰石倉村計程六十里自界至貴谿縣一百二十里至金谿縣六十里西北界金谿曰貓兒嶺計程八十里自界至金谿縣三十五里其西及西南皆界南城曰珀玕肥株灣又曰雙魚石計程七十里自界至南

瀘谿縣志

卷一 疆域

城縣九十里西南曰龍湖舊志誤以龍湖為新城縣界計程六十里自

界至南城縣一百里凡疆界東西九十里南北八十里編戶三十里 城內外編里者四其錯出於里中者為街為保其統乎街保者為坊坊有東隅西隅南隅北隅皆立縣時所定也 城內外及附城西南為西隅為賢良坊為街者六曰衙前街曰十字街曰學前街曰田南街曰安仁街曰北門街為邨者十有八編里一 城東一里為東隅為來福坊為邨者二編里一 城東十五里為南隅為鳳翔坊為邨者六編里一 城北一里至十五里為北隅為拱辰坊為街者二曰瀘頭街曰司前街為邨者十有七界光澤者花山為陸汛編里一 別於城而編里者二十有六

其錯出於里中者爲邨其統乎里以統邨者爲都統都者爲鄉鄉有四皆立縣時所定也曰歸仁曰崇禮曰遵義曰順化 歸仁鄉統都者二統里者三一都縣北二十里爲邨者十有八高阜有街編里一 二都縣北二十五里爲邨者四十有五編里二 崇禮鄉統都者六統里者十有一 三都縣西三十里爲邨者十有五佛嶺有街編里二 四都縣西五十里爲邨者十有九高陂有街編里二 五都縣西八十里爲邨者十有六龍蔭有街編里一 六都縣西六十里爲邨者十楓林有鎮編里二 七都縣西八十里爲邨者五翁源有街編里二 八都縣西七十里爲邨者十有二編里二 遵義鄉統都者六統里者七

九都縣南四十里爲邨者十有七茂林有街編里一 十都縣南六十里爲邨者十桐阜有街編里二 十一都縣南三十里爲邨者十有六草坪有街界光澤者羊頭隘編里一 十二都縣南二十里爲邨者十陳坊有街界光澤者礫上隘編里一 十三都縣南六十里爲邨者十丁字橋有街編里一 十四都縣西七十里爲邨者十有四編里一 順化鄉統都者二統里者三 十五都縣西南三十里爲邨者十有六斬原有市編里二 十六都縣西北十里爲邨者六編里一 凡統於坊廂而爲邨者四十有三統於歸仁鄉而爲邨者二十有一統於崇禮鄉而爲邨者七十有七統於遵義鄉而爲邨者七十有七統於順化

鄉而爲邨者二十有二四坊四鄉凡十有六都二百二十有一邨

城池

明萬厯六年知府王之屏知縣范淶相縣治度地東西南北環八百丈有奇未鳩工至八年知縣陳王廷始經營之計前度地太袤費浩廣乃縮前地十之四是年十二月興工九年八月告成費谿邵伯悌有記周回五百丈廣八尺高一丈五尺爲門四東來福南新化西順治北拱極各建城樓內外甃馬道廣四尺道外濬濠約廣七尺深稱之萬厯三十七年洪水衝激城崩塌知縣梁應掄修築更於各水門密加鐵條十二年復修周城馬道崇正十二年知縣

樊一若奉文增修

國朝規制仍舊康熙四年知縣張萃祥奉檄遵式修築乾隆十五年知縣朱崧巡視其隍日久淤塞或被侵占卽爲清復三十年謝世應修譙樓五十五年賈文召修理積壞嘉慶十年閻鑿復修二十四年徐清選修北門樓城內有秀水溝二條一繞縣治前一環縣治後水從東南門入出西城溝濶四尺深五尺周城居里編爲四隅詳見疆域志中咸豐元年春閩粵匪所至城池蹂躪知縣貴祥邀集紳董開局勸捐仿照近例制錢壹千作銀壹兩貳百串以上議敘九品三百串以上議敘八品共捐三十餘名得錢八千零串其零星不滿額者共得壹萬四千餘串鳩工庀材

修整完固之高女牆鐵葉城門復清理四城內外馬道城門各造營房二間次年告竣旋以賊至未能請獎同治六年劉獻葵復修各殷戶共捐錢貳千壹百串營房未復公署

縣署明萬厯六年析南城地爲瀘谿知府王之屏知縣范涑相度建署於廢廣仁寺址爲大堂匾曰忠愛左爲儀仗庫右爲總冊局兩序爲六房甬道立戒石坊大堂後爲二堂右爲銀庫左爲冊庫再後爲內室又後爲思補閣甬道外設儀門儀門外左爲禁獄右爲土地祠又前爲大門門堂稍逼九年八月知縣陳王廷移大門遠數十丈上建譙樓門外左立旌善亭右立申明亭前爲屏牆又於大門內

左爲寅賓館預備倉改禁獄於儀門右繚以垣牆周一百二十丈三十三年知縣呂應元以譙樓高壓正堂改建於思補閣後顏曰培龍樓自爲記天啓三年署篆通判張兆曾重修崇正十一年燬知縣樊一若重建 國朝順治五年燬於寇邑士民捐貲修建後衙康熙十年縣丞孟吉熊署縣事建寅賓館於儀門東顏曰清風一榻自爲記其後知縣張萃祥王鉞相繼增建正堂儀門頭門乾隆十四年知縣朱崧重建戒石坊申明旌善二亭三十年知縣葉全德撤去申明旌善亭改常平倉於捕廳西偏四十三年知縣鄭九敘重修大堂嘉慶十七年知縣楊朝位復修儀門頭門咸豐七年寇燬

縣丞署在縣署東邑初無丞順治十八年增設康熙八年丞孟吉熊始建解於縣署東後閩變傾圮丞李薰草創數椽雍正五年丞顧彝增建前堂內署邑紳士助貲贊成嘉慶五年丞張德元建靜鏡堂十四年丞潘汝梅重修咸豐七年寇燬

教諭署在崇聖祠左七年寇燬

訓導署在明倫堂右乾隆庚戌劉忠皓勸捐鼎建南向嘉慶三年生員傅珪聯摘郡學捐貲造東向屋改廚房補修各處嘉慶二十一年訓導黃爵滋捐俸建頭門七年寇燬典史署在縣署西與縣署先後並建崇正十一年寇燬順治十八年典史全五德申請重建乾隆五十五年典史張

兆鵬重修嘉慶十三年典史鄭湮復修七年寇燬

防汛營在南關內 關帝殿東原係上司公館崇正開寇燬康熙四年知縣張萃祥集紳士公議暫假基地諭里民構營數椽今因之道光五年李煌建二門重新旗纛祠福神祠周築土牆道光二十四年城守余輝先修理改旗纛祠爲馬王廟福神祠爲火神廟七年燬於寇

考棚嘉慶五年知縣徐培會議各都首士勸捐度地於西門內林雲昭捐田八畝楊春和捐田四畝鄧敦復捐地一小片林天接捐地數尺又買楊占庭兄弟田三畝林介頤田一畝林紹勤兄弟田半畝共作地基直長一十七丈五尺橫濶一十三丈四尺五寸其制中爲大堂顏曰觀文成

化堂前爲甬道堂東立一棚計一百二十號堂西立一棚計一百二十號甬道東立二棚共計二百四十號甬道西立二棚共計二百四十號大堂後爲川堂顏曰登雲有路左右爲屋四間又廂房二間川堂後有閒基左爲廚房二閒甬道下爲二門顏曰萬軻始基東西各爲屋二閒尙有空址二門前有大毬場前豎屏牆旁設二角門內設兩蓬四圍繞以垣牆規制定備庶吉士周毓麟撰記勒石邑令閻丐中書丁步曾又爲記俟勒石道光二年修理屏牆九年增修川堂東西甌牆咸豐十一年賊踞城拆燒號板并拆堂下東西靠牆二棚同治元年知縣孫瑞徵借作縣署改堂左右二棚爲房室僅存甬道東西二棚臨考暫備棹

檣各官因之七年石捲接龍橋董首將墊瓮大樹鋸成號板監石僅復二百四十號同治九年知縣楊松兆因係借作縣署暫將堂下靠牆基址東西各建屋五間爲新任接篆及委員駐紮之所又於二角門內各建屋三閒爲書差辦公之所二門左右設屋四間爲戶書徵收之所堂上設立暖閣西角門對面設立監獄以成縣署規模俟另建縣署仍拆復考棚舊式此特權宜之計耳官署燬後惟縣令借署考棚各官俱賃民房爲署

考棚各戶捐田段號

一段土名巖陂段上分田六畝七分六釐晚田十五秤傅繼昆捐

一段坐落上坪田分田一畝二分正早田五秤傳繼昆捐
一段坐落十五都洪谿門首打碓址分田三畝二分六釐
六毫六絲六忽田租十石鄧莞山恒房祭捐

一段坐落北門外大塘段心分田一畝四分正田六秤盧
瑞凝捐

以上田四段每年共收租錢三十六千文外東道錢二千
二百文歲科兩考散給文武童生卷貲給廩保錢六千文
禮房油燭錢二千文

上諭亭在學宮前雍正十三年建嘉慶廿年知縣徐清選修

上司公館舊在北關外巡司舊址明萬厯四十四年知縣
潘元勳改建南關內崇正間寇燬後改爲防汛營

瀘谿縣志

卷一 公署

十四

白珩公館距縣八十里明知縣陳王廷建至 國朝雍正
二年公賣贖府城公館

桐埠公館在漕倉東偏爲往來官員停驂之所向有前堂
反照及房室三直六間堦東爲寄輿繫馬厰堦西店屋數
間倉後居焉門額書鶴城公署四字西與漕倉聯基共柱
同治三年九月均被寇燬今量二處基地橫共四丈五尺
直共五丈五尺

龍蔭公館知縣白潔捐價銀六兩買左姓基地初建於漕
倉東偏後漕倉改爲社倉而嵩市下街頭亦有社倉一所
下廳爲倉厰上廳兩邊俱住房爲官員往來住宿之地舊
誌不載疑爲前人遺漏今仍被寇燬

一段坐落上坪田分田一畝二分正早田五秤傅繼昆捐
一段坐落十五都洪谿門首打碓坵分田三畝二分六釐
六毫六絲六忽田租十石鄧堯山恆房祭捐

一段坐落北門外大塘段心分田一畝四分正田六秤盧
瑞凝捐

以上田四段每年共收租錢三十六千文外東道錢二千
二百文歲科兩考散給文武童生卷費給廩保錢六千文
禮房油燭錢二千文

上諭亭在學宮前雍正十三年建嘉慶廿四年知縣徐清選修
上司公館舊在北關外巡司舊址明萬厯四十四年知縣
潘元勳改建南關內崇正間寇燬後改爲防汛營爲往來

瀘谿縣志

卷一 公署

十四

官員停驂之所向有前堂反照及房室三直六間堦東爲
寄輿繫馬厰堦西店屋數間倉役居焉門額書鶴城公署
四字西與漕倉聯基共柱同治三年九月均被寇燬今量
二處基地橫共四丈五尺直共五丈五尺

白珩公館距縣八十里明知縣陳王廷建至 國朝雍正
二年公賣贖府城公館

桐埠公館在漕倉東偏

龍蔭公館知縣白潔捐價銀六兩買左姓基地砌建於漕
倉東偏今查倉與公館俱無其所惟嵩市下街頭有社倉
一所下廳爲倉厰上廳兩邊俱住房爲官員往來住宿之
地而舊誌不載疑卽後來改建今仍被寇燬僅存圍牆

府城公館在河東大街明萬厯三十八年知縣梁應掄建
有涂國鼎記 國朝康熙五年知縣張萃祥同邑紳士捐
貲買王家嶺輓房一所計上下二廳屋前至官巷大路館
前大路背隙地一片至三府牆脚甲寅耿逆後邑人鄧子
發將館私典至雍正二年合邑紳士訟理南城署篆陳勘
斷飭贖知縣汪雲鵬捐廉四十兩并賣白玕公館基地共
七十三兩取贖勒曰瀘谿縣公館乾隆十年知縣趙淵以
牆屋積塌舉首士林枕林錫袞盧必雄林可權募捐修理
又於牆後增置一廳西偏隙地建大廳後小廳前東西
廊並砌門樓十一年南城黎錫采將門樓嶺店屋六直內
堂屋一棟及空地穿井厠屋厠房對換河東地教諭歐陽

飛書瀘谿公館額懸店口二十一年知縣謝世應詳府店
宰各租額錢二十八千二百三十文以為考場花紅餞送
等公用嘉慶五年署縣事徐培以首事林玠稟租輕給諭
單往加又值交盤在府乃得飭加店宰各租每年十千文
二十二年知縣徐清選又以廩保禮房加租稟批移南城
傳訊店宰照隣租計值每年又加十千文所共加二十千
以二十年始永為府考廩保禮房平收公用又將店後隙
地張炳坤所私造房屋經乾隆四十八年首事林笏等查
出議交賃租二百文改為一千文即以為賞聽差收租之
費油過扁額浣整祿位牌鏡瀘谿公所字於小公館門上
賊擾以來無人管理公館二廳被兵毀拆僅存圍牆公所

原有一廳五間居民梅姓借住遂於門內毬場私造左右廊屋各三間同治五年府試眾廩保查詰因籌公費五十千贖回每歲募租得錢數千湊廩保公用卽着租住人看管原房以備官紳往府辦公者居住

京都會館在外城達磨廠深溝口牆縫二條衙衙乾隆三年進士傅彤倡建周立愛有記主專石元珪在京給居民李姓看守每歲給京錢十餘千文修整嗣後仍不索租每逢公車北上者尙給修理錢數千文

演武廳萬厯九年知縣陳王廷建在北門外洲上三十七年洪水冲圯知縣梁應掄改建於東城外沙苑立演武廳三間將臺一座日久屋廢惟較場尙存康熙四十年復設

演武廳於西門外洲上乾隆年間林玠修嘉慶十六年知縣楊朝位重修道光三十年知縣貴祥罰款重修仍立將臺一座照牆一堵咸豐十一年賊毀僅存圍牆照牆將臺養濟院在北關外司前知縣陳王廷建乾隆年間修道光八年知縣張澍修咸豐十一年寇燬

育嬰堂在縣南節孝祠後乾隆二年本邑四都貢生石迴瀾領公項銀十三兩捐銀二百五十八兩助建又撥入田七號共計租三十石以資養贍至八年堂始落成奉藩司彭旌以澤及孺子扁額又上來鶴捐租二石黃允中捐租一石募貲置租六石又十七年盧心錦捐田二石魏焯捐田二石通交典史管理屢經瓜代經理不善致房屋傾圯

嘉慶十五年知縣楊朝位同原倡首事迥瀾孫湛等募貲復建奉各憲妥議章程舉報首事同爲經理二十一年知縣朱俛詳報生員江星照辦理按月計嬰兒多寡酌量給散咸豐年間林祝慶接管十一年賊毀房屋止存牆垣同治年間鄧登韻接管

學校

瀘自明萬厯六年析縣後乃有學八年知縣陳王廷教諭周廷士訓導范汝仁建學於東城外堂齋畢具十五年知縣汪謨以學宮在城外於制未協購地於縣治西徒建中爲明倫堂左爲博文齋右爲約禮齋三十九年知縣梁應掄改約禮齋爲訓導署崇正十一年寇燬國朝仍舊制

瀘谿縣志

卷一 學校

七

康熙三年裁教諭一員二十二年復設如舊雍正十年知縣閻廷佶增教諭署於崇聖祠左訓導署如舊

順治九年

欽頒臥碑文康熙四十一年

御製訓飭士子文俱敬謹勒書於明倫堂咸豐七年五月寇燬各衙署十年知縣黃來晨復西齋十一年六月寇復毀拆因之明倫堂亦朽爛將傾同治九年知縣楊松兆修復明倫堂手書大學聖經一章於中門

學額入文學八名武學八名廩生二十名增生二十名

學田

萬厯十年知縣陳王廷量追廢寺田一十五畝歲收租銀

五兩零以作月試廩餼貧生膏火之資

一段坐落蘆岡萬靈峯下田五畝歲收租穀十石

一段坐落裏長境黃石坑田三畝歲收租穀五石

一段坐落西門外七代州田一畝五分歲收租二石五斗

一段坐落纏道山鐵爐源田一畝二分歲收租三石

萬厯三十五年知府朱與翹斷入儒學田

一段坐落三都士名艾家源龍潭菴前田十畝歲收租銀

三兩正乾隆十年教諭歐陽飛同訓導黃閣牒移縣趙淵

委捕廳賀國祥清查丈出田十一畝七分零歲收租穀一

十六石正原繪有蓋印田圖八段二本一存縣一存儒學

後因改佃被該菴山主曾維翰等瞞佔油榨原庵前曾家

山三段相沿已久兩學減租收而糧仍舊道光九年教諭
甘定魁訓導何兆祥據圖查出移請知縣張澍徹底根究
復繪田圖并各供存案定每歲交晚租二十三石並將八
段土名開列以省後復侵佔

一段油榨原田二畝一分六釐六毫六絲六忽

一段庵前田九分四釐一毫一絲六忽

一段石壠原田三畝五分

一段桐樹原田一畝五分二釐二毫

一段曾家山田三分三釐三毫三絲

一段龍潭上田二分零八毫三絲三忽

一段曾家山田三分正

一段曾家山田一畝三分四釐一毫六絲六忽

萬厯四十年知府鄔鳴雷給銀買贍學田三段

一段坐落九都新華殿前田五畝五分八釐四毫此田租銀三兩後被水沖圯歲收錢八百文完本年丁漕經道光五年門斗李查查出今額每年交租錢六千文

一段坐落十六都養老峯田一畝五分五釐七毫歲收租錢三千二百文

一段坐落十六都百戶演分地七分八釐歲收租錢三千二百文

又續置田二段

一段坐落河洋黃雀源歲收租穀二石正

盧谿縣志

卷一 學校

九

一段坐落焦澗排上歲收租穀五斗正

以上二段歷來撥與書辦贍燈油紙筆之資

乾隆四十三年十三都監生陳雲之妻捐贍學田共九畝三分三釐六毫歲收租穀二十六石內撥一石贍學書一石贍門斗有碑勒名宦祠

乾隆四十六年十五都生員鄧德祐承父生員鄧奕緒遺命捐贍學田共八畝四分六釐三毫六絲八忽八微歲收租穀一十八石五斗內撥一石贍書辦一石五斗贍門斗又萬厯閒邑人孫琚捐田一區坐落本邨前後除完錢糧外額解折租銀二十三兩九分九釐九毫四絲五忽歲科兩考由學申文給批孫姓子孫贖赴學憲衙門投兌散給

廩生貧生膏火

南都窠頭陳家山營村屋後五股山一嶂本村楊林鄭危四姓各佔一股儒學佔一股係元步頤捐出

九都雲衢儒學官山壹嶂土名石灰頭仰堂排上至指引文科家山爲界下至大水坑爲界左至水坑直下大港爲界右至大嶼分水直到小嶼到大港坑吳姓山爲界現在十一都陳安民看管每年交山租錢陸伯三十文

九都雲衢儒學官山壹嶂土名石人背老虎石窠桑樹窠大窠上至大埭下至大港坐山左至高厚德家山硬埭分水直下港坑爲界右至吳家山爲界分水直金字腦至上際爲界先是元藻生承蓄現係元厚興看管每年交山租

旭錢陸伯文

九都雲衢儒學官山壹嶂土名橫排山界候查現在高來發看管每年交租旭錢壹百四十文

西齋外菜地二塊租錢專歸西齋

二都王家源田二坵計租四石係港口彭姓捐出二都金價源黃仁龍於同治八年十一月承佃開荒三年不納租滿後每年交租旭錢二千文

十三都黃能生
四都李五福堂等新捐之田現經盧穆甫議繳價贖回別置田畝事定後補載

八都珀玕地方學田四段

一段坐落沙坪上

一段坐落中灣

四共每年額交租錢捌千文

一段坐落下灣

一段坐落李家灣

陳坊瓦窰窠田一段計租三石向贍門斗不知捐戶姓名相傳爲外省客所遺之田

社學一所在李泰伯祠明萬厯間知縣潘元勳建今廢書院

明萬厯十年知縣陳王廷念切訓士量追廢寺田一十五畝以備山長脩金生童膏火之貲欲創書院未果三十五年知府朱與翹歸其田於儒學

國朝康熙三年建文會館於縣西城隍廟右至乾隆十八

年知縣楊焯視其規制太狹修廩不給倡率紳士移建於縣西南儒學左李盱江祠前額曰養正書院並勸捐田畝以飲月廩工未畢調龍泉接任顧憲懋繕葺中構講堂左右爲學舍有譔有溜有茶亭後起大樓延師掌教立以條規其脩脯及諸生膏火優等花紅俱有定額乾隆二十八年知縣高尙禮謂瀘邑後學當以李泰伯爲宗改爲盱江書院五十四年知縣賈文召又以府書院曰盱江縣宜有別更其名曰鶴城書院道光八年知縣張澍履任卽大修理次年延山長主講每月督課生童給予膏火山長每年束脩銀六十兩供膳銀二十兩肄業正課生員每月各給膏火銀七錢

肄業童生正卷每月各給膏火銀六錢

咸豐十一年賊拆門壁樓板地鋪僅存樑柱同治五年知縣劉獻葵修復完固又清釐各都團會田畝歸入書院山長每歲束脩供膳共送尅錢壹百陸拾千文生童膏火量多寡給發田畝冊籍存禮房出入錢文歸官經理茲將原

田列后

書院田

一星映峯田七號原計租三十餘石今止收地租銀一十

二兩

一段坐落陶公源計夾八秤額租八石曾異求同姪誠捐

一段坐落龍谿新丘計米七石五斗額租穀一十五石李

瀘谿縣志

卷一

學校

二十二

杜華捐

一段坐落西山下計米九石額租十五石李範捐

一段坐落檜下蕭方門首計米二石五斗額租二石正高

士進捐

一段坐落和尚坪計夾七秤額租二十四石林繼蕃捐

一段坐落南門外和尚坪計夾五秤額租五石林曷捐

一段坐落窰前

一段土名火籠坑坐落巖谿大陂頭一段共計五秤額租

二十石零五斗鄧龍光捐

以上共計田九號俱於乾隆十八年捐入

一段坐落江家源計夾三秤額租三石李化鵬捐

一段坐落巖陂計夾秤半額租穀四石鄧林松捐
一段坐落長塘計夾三秤額租十二石彭振邦捐
一段坐落裏源欄馬石計夾四秤半額租共十八石鄧掄
鄧連鄧堂共捐

一段坐落夾木洋額租五石正鄧廷光捐

一段土名麾下庵 一段土名古倉前二段共計二秤半
額租二石五斗李靖國捐

一段土名水尾塘計夾一秤額租一石楊清捐

以上共計田八號俱乾隆十九年捐入

一段坐落六都窰前計租三石正

一段坐落白羊窰計租四石正

一段坐落界山下計租五石正

一段坐落岳家口計租二石五斗

一段坐落移山下計租五石正

一段坐落叢山下計租五石五斗

一段坐落林下計租五石正

以上共計田七號俱乾隆二十年周經國捐

一段坐落萬家邊 一段謝家地二段共計一十二石

以上共計田二號俱乾隆二十二年周經國捐

道光三年知府趙將十三都西竺庵山田斷歸書院

一田每年額交租錢三十千文

一山四嶂所蓄樹竹聽首事出拚價值多少隨時酌量同

治二年李時春呈請就近置買田租三十担換出原業仍

歸該寺供佛贍僧山未在内立有對約爲據田段列后

一段坐落檜山嘴計租三担

一段坐落南門大坪演計租十二担

一段坐落藕塘計租十五担

以上租田俱歸書院作生童膏火之資

一郡城店屋六直每歲共收租錢二十八千二百三十文

歲科兩考文武生員卷賞詩韻優等花紅餞送科舉及府

試修理考棚各費俱於款內開銷

同治五年新增典買田租開列于后

一段坐落霧濃共田三坵計夾肆秤

瀘谿縣志

卷一 學校

二十四

一段坐落下坂計夾拾貳秤

一段坐落水東林姓屋背計夾五秤

一段坐落上楓坑過坂共田三坵計夾陸秤

一段坐落白竹窠頭共六坵又石窟上段八坵共計老租

拾担鄉

一大業田坐落沙漲港計十秤額租壹石五斗

一大業田坐落朱溪東陳排上計叁十三秤半額租五担

一大業坐落規背計夾四秤又一段坐落高窠計夾秤半

一大業坐落大窠垵頭計三十秤額租四担五斗

一大業坐落徐家源計田二十秤額租十石鄉

一大業坐落窰前計田五十秤額租二十五石鄉

一大業坐落九龍窠楊梅坑計田八秤額租四石鄉

一大業坐落九龍窠楊梅坑計田七秤額租三石五斗鄉

一大業坐落焦坑計田二十五秤額租十二石五斗鄉

一大業坐落村心鵝頸坵計分田十秤額租五石鄉

一大業坐落北山坡鵝掌坵抽分田十秤額租五石鄉

一大業坐落鵝掌坵抽分田二十秤額租十石鄉

一小業坐落鵝掌坵抽分田十秤

一小業坐落寸心小地名沙坵計田五十秤

一大業坐落山口門首計田二十七秤半額租十三石七

斗壹升半

一大業早田坐落庫下梨樹橋頭計田十五秤額租七石

五斗鄉

一房屋一棟坐落九都茂林村 儲作合邑公館

一典業坐落石姓大山下計夾八秤價錢四十二千文

一典業坐落坑河源計夾三秤價錢十千文

一典業坐落蕭家坂廟下計租四担價錢十六千文

一典業坐落象山下石嘴頭計抽租三担價錢二十千文

一典業坐落螺螄墩計租七担價錢十八千文

一典業坐落奄山計租三担價錢十三千六百文

一典業坐落朱家窠計田四十秤價錢三十六千文

一典業坐落萬羨塘計抽田二十五秤價錢十九千文

一典業坐落礫溪門首大塍下抽田十五秤價錢十二千

文

一典業坐落張家灣計租六担價錢二十二千文

一典業早田坐落石州門首大路下計租二担一籬價錢九千文

一典業坐落石州店上門首計租十二石鄉價錢八千文

一典業坐落沽港墪計田十六秤額租八担鄉價錢六十四千文

一周守員借券一紙計錢四千文每年交息穀四石

一典業坐落河湖華光殿計租三担價錢十二千文

以上均係各都兄弟會典買田業經知縣劉獻葵開導解
散情愿送入鶴城書院充作學俸膏火之費其契約均存

衙署飭令禮房看管不准遺漏疎失

賓興

道光二年生員彭筠捐田一百石民人石齊素監生石寶
光各捐田卅石貢生彭濤捐田一百石作賓興資斧及童
試正場卷貲道光十七年邑紳魏崇基孫丙章等欲擴而
大之首勸監生王瞻山捐田三十八石合邑共捐田六百
餘石連前共有九百石零惟田段星散各都遂分設首士
九人管理城內設總首一人每六月初一日會同開局核
算除完課外給科場四千文童場四百文會試四十千文
另刊賓興戶冊真盛舉也嗣因寇災日久田地荒蕪各都
續捐之田散還各都自爲經理惟原捐及王瞻山首捐與

眾買之田共三百餘石仍於城內設立管辦一人每歲通眾核計量入爲出以定給散之多寡

賓興田

- 一段坐落朱家山計租十七石
- 一段坐落楊家窠計租十五石
- 一段坐落裏源石窠計租十一石
- 一段坐落余家埧計租八石
- 一段坐落李家窠計租四十石
- 一段坐落李家窠計租十二石
- 一段坐落寶背計租十石
- 一段坐落粘禾埧計租五石

- 一段坐落石埧計租十二石
- 一段坐落橫岡鐵爐下及蘭花窠共租四十一石
- 一段坐落大塘窠山下計租二十四石
- 一段坐落神農壇前計租二十八石
- 一段坐落窰前赤口潭租二十二石
- 一段坐落沙桐張家山租二十石
- 一段坐落裏泗源租八十石
- 一段坐落烏江尾租十三石
- 一段坐落廣仁寺前租二十二石
- 一段坐落妙高峯租二十石

以上早晚田共十九段計租鄉四百石俱道光二年三都

彭濤捐入

- 一段坐落仙籬坑租三十九石五斗
- 一段坐落魚山租六石
- 一段坐落狗山租九石
- 一段坐落米家埧租二十石
- 一段坐落裏泗源石埧租二十四石
- 一段坐落大塘亭子下租三十二石
- 一段坐落大塘社合前租二十六石五斗
- 一段坐落沙桐大沙洲及桐木灣租三十六石
- 一段坐落巖陂埧上租三十石
- 一段坐落巖陂大腦坵租十四石

- 一段坐落南門外溝坑東西兩源及過水坵租二十四石
- 一段坐落桃家源及杉山源租二十石
- 一段坐落初居渡水尾租三十六石
- 一段坐落初居渡下沙上租七石
- 一段坐落磨石源租十六石
- 一段坐落牛坑租十五石
- 一段坐落牛坑租十石
- 一段坐落饒山官路上上段租十三石
- 一段坐落冷鋪前租二石五斗
- 一段坐落滿坑錦繡陂租十一石五斗
- 一段坐落橫谿橫担租二十三石

以上早晚田共二十一畝計租鄉四百一十五石道光二
年三都彭鈞捐入

一段坐落槐坪周坑租四担

一段坐落槐坪黃家嘴租三担二石二斗

一段坐落槐坪倪家源租二担

一段坐落槐坪段上租四担二石

一段坐落槐坪周坑租三担二石

一段坐落槐坪墩上租二担

一段坐落槐坪掃帚源租二担二石

一段坐落槐坪廟下及排頭租二担

一段坐落槐坪掃帚源租五担一石五斗

瀘谿縣志

卷一 學校

二十九

以上早晚田共九畝計租鄉三十担俱道光二年三都石
齊素捐入

一段坐落上莒州楓樹灣租六担

一段坐落上莒州下畬租一担

一段坐落上莒州易家山租三担

一段坐落上莒州下畬又租一担

一段坐落上莒州黃泥源租八担

一段坐落上莒州王家坪牆園租三担

一段坐落十六都瑞谿箬插租八担

以上田共七畝計租鄉三十担俱道光二年三都石書傳
捐入

一段坐落程坑租二十八石

一段坐落沙苑下山棋租二十八石

一段坐落妙高峯山下租二十四石

以上田三段共租鄉八十石俱道光三年四年五年未散
賓興存項續買

一段坐落西門外楓樹壠計租一十六石林雲昭捐

一段坐落東門外長塘沙墩頭計租一十六石林子元捐

一段坐落南隅炭山張思排計租二十石林中友捐

一段坐落焦谿土名葛畬計租十七石盧嵩齡捐

一段坐落東門外楓樹山柿樹下計租四石林星煥捐

以上田五段計租鄉七十三石俱道光九年捐入

瀘谿縣志

卷一 學校

三

一段坐落炭山芙蓉坵租十四担

一段坐落炭山塹下卽張家背租三担

一段坐落炭山杜宅門首租七担二石

一段坐落炭山務勝坵卽上中沙段租八担二石

一段坐落炭山棗樹嶼租二担

以上田八段計鄉租三十八担俱道光十七年城內王瞻
山捐入

